

春
秋
取
義
測

春秋取義測 卷之八

膠州法坤宏

成公

元年春王正月公即位○二月辛酉葬我君宣公

○無冰○三月作丘甲○夏滅孫許及晉侯盟于

赤棘

魯睦于晉也

王師敗績于茅戎

王者之師有征無戰非戎所能敗也史以自敗
為文春秋特筆之然則桓王伐鄭曷為不言敗

曰此言敗而不言伐以敗為義彼言伐而不言敗以伐為義其旨同也

冬十月

二年春齊侯伐我北鄙○夏四月丙戌衛孫良夫帥師及齊師戰于新築衛師敗績

魯絕齊而與晉盟故齊伐我衛孫良夫救我而與之戰書及主我也

六月癸酉季孫行父臧孫許叔孫僑如公孫嬰齊帥師會晉郤克衛孫良夫曹公子首及齊師戰于寧齊師敗績

內臣列序自文宣以後始大夫張也是故列書
尹子單子會伐鄭同盟柯陵等王官于列侯矣
列書季孫行父臧孫許叔孫僑如公孫嬰齊帥
師戰鞌等大夫于國君矣曹公子首通名亦主
我也

秋七月齊侯使國佐如師己酉及國佐盟于袁婁
統言如師我之四大夫在焉書及國佐盟亦主
我也按傳晉人許盟之詞曰羣臣帥賦輿以為

魯衛請

八月壬午宋公鮑卒○庚寅衛侯速卒○取汶陽

田

借晉力取之

冬楚師鄭師侵衛○十有一月公會楚公子嬰齊于蜀丙申公及楚人秦人宋人陳人衛人鄭人齊人曹人邾人薛人鄆人盟于蜀

匱盟也畏晉而竊與楚盟也會蜀盟蜀兩書者時嬰齊在蜀晉楚與國各以其大夫來會而公及之即會地為盟地故曰匱盟孔子以此為南北交從之肇端特筆之

三年春王正月公會晉侯宋公衛侯曹伯伐鄭

討其侵衛也

辛亥葬衛穆公○二月公至自伐鄭○甲子新宮
災三日哭

新宮

新作親古字通用

宣宮也不稱宣宮者四親有迭

毀之禮

宮無定名故也新宮災三日哭禮也因

變而志典禮春秋通義也宣弑赤而奪之位死

有佚罰焉主甫入廟而遇災君子於是乎知有

天道

乙亥葬宋文公

七月而葬君子譏其僭

夏公如晉○鄭公子去疾帥師伐許○公至自晉

○秋叔孫僑如帥師圍棘

取汶陽之田棘不服故圍之凡內言圍皆叛邑
大雩○晉郤克衛孫良夫伐廧咎如

赤狄之餘種

冬十有一月晉侯使荀庚來聘衛侯使孫良夫來
聘丙午及荀庚盟丁未及孫良夫盟

公至自晉而荀庚繼來朝聘始通也丙午丁未
連二日兩書盟尊伯也再書及重盟也不書公
不以大夫敵公侯尊內也

鄭伐許

四年春宋公使華元來聘○三月壬申鄭伯堅卒○杞伯來朝○夏四月甲寅滅孫許卒○公如晉○葬鄭襄公○秋公至自晉

公如晉晉侯見公不敬至自晉欲求成于楚季文子曰晉雖無道未可叛也國大臣睦而邇于我諸侯聽焉楚非吾族其肯字我乎聖人不得已而予伯本以睦諸侯安中國晉靈不君政在大夫繼體者不能有諸侯亦德不競於楚故爾晉景嗣立齊鄭歸順魯衛協睦乃不務同德而

惟事二三卒以不敬失之觀傳載季文子之言
知春秋所以責晉伯之義

冬城鄆

鄭譴龜陰三邑皆汶陽田也魯得汶陽故城鄆

鄭伯伐許

去歲書鄭伐許今年書鄭伯伐許余光以為史
文有詳略凡此皆據舊史書之無所取義

五年春王正月杞叔姬來歸○仲孫蔑如宋○夏

叔孫僑如會晉荀首于穀

左傳晉荀首如齊逆女宣伯餌諸穀非諸侯之

事春秋錄之見政逮于下

梁山崩

晉地也不繫晉者為天下記異

秋大水○冬十有一月己酉天王崩○十有二月己丑公會晉侯齊侯宋公衛侯鄭伯曹伯邾子杞伯同盟于蟲牢

齊鄭服也杞伯始與同盟序邾子下

六年春王正月公至自會○二月辛巳立武宮

春秋於羣公之宮皆不書立而獨書此年立武宮定元年立煬宮立者不宜立也武宮煬宮已

毀而復立書立以示譏桓宣傳宮宜毀而不毀書災以示誠

取鄭

鄅鄅國名防鄭閩邑名此見於經文之可知者鄭鄅之或國或邑此見於經文之未可知者而春秋皆書取故傳例云內滅國曰取

衛孫良夫帥師侵宋○夏六月邾子來朝○公孫嬰齊如晉○壬申鄭伯費卒○秋仲孫蔑叔孫僑如帥師侵宋

傳云晉命也雖晉有命而魯實興師故主魯而

書衛良夫侵宋傳亦云會晉

楚公子嬰齊帥師伐鄭○冬季孫行父如晉

按傳賀遷也經凡書遷皆逼於強暴不得已而遷者故晉遷新田不書

晉驪書帥師救鄭

頻書救鄭鄭服于晉也

七年春王正月鼷鼠食郊牛角改卜牛鼷鼠又食其角乃免牛

志牲變也稱牛未卜日也改卜牛又食其角災也春秋之義乃以災書

吳伐鄭

吳寢強也鄭我姻春秋特書之志其為患中國
夏五月曹伯來朝○不郊猶三望

特書不郊譏不郊也因災而不郊不郊而猶望
皆以非禮書

秋楚公子嬰齊帥師伐鄭公會晉侯齊侯宋公衛
侯曹伯莒子邾子杞伯救鄭八月戊辰同盟于馬
陵

頻書同盟譏貳也同盟斷道而諸侯有于蜀之
役同盟蟲牢而魯衛有侵宋之舉今同盟馬陵

諸侯皆至矣乃無故而納衛之叛臣奪魯之侵
地宜乎屢盟而卒貳也

公至自會○吳入州來

此晉通吳制楚之始據傳晉使行人狐
庸通吳教之叛楚吳之通
於上國晉人為之也晉通吳以罷楚楚罷而吳
患亦起春秋備志之

冬大雩○衛孫林父出奔晉

此年林父奔晉十四年自晉歸于衛書自晉晉
有奉焉

八年春晉侯使韓穿來言汶陽之田歸之于齊

命我歸之也曰來言歸之于齊者史婉詞

晉驥書帥師侵蔡

齊鄭陳蔡皆附楚景已得齊鄭故侵蔡

公孫嬰齊如莒

案傳聲伯如莒逆也不書逆者春秋之義以私
聘為譏義詳僖五年公孫茲如牟

宋公使華元來聘夏宋公使公孫壽來納幣

聘共姬也外納幣不書特書宋公使賢伯姬故
著其始終以見義

晉殺其大夫趙同趙括○秋七月天子使召伯來

錫公命

成公即位八年錫命始至諸侯不請于天子也
自是而後章服不足以寵諸侯錫命之文遂不
見于經

冬十月癸卯杞叔姬卒

鄭伯姬杞叔姬皆見出而來歸獨杞叔姬書卒
者以杞伯逆喪歸故

晉侯使士燮來聘叔孫僑如會晉士燮齊人邾人
伐鄭

士燮來聘言伐鄭也吳伐鄭不能救又以其事

吳而伐之此季文子所謂無弔者也夫春秋筆之譏伯國之無政

衛人來媵

九年春王正月杞伯來逆叔姬之喪以歸

出之而逆其喪事之變也世襄道微人倫之變無所不有然則禮經無出妻逆喪之文春秋錄出妻逆喪之事示人當即事裁義窮極其變乃所以存名教之防

公會晉侯齊侯宋公衛侯鄭伯曹伯莒子杞伯同

盟于蒲

諸侯貳故也尋馬陵之盟季文子曰德則不競
尋盟何為四書同盟而諸侯終貳有由然矣
公至自會○二月伯姬歸于宋

自始事至成禮凡七見著其賢也於此見魯女
之嫁史必備書聖人於其不示教者皆削之
耳

夏季孫行父如宋致女

孔穎達曰桓二年齊侯使其弟年來聘傳曰致
夫人也仲年行父俱是致女而彼言聘者在魯
而出則曰致女在他國而來則但言聘內外異

文也

晉人來勝○秋七月丙子齊侯無野卒○晉人執
鄭伯晉樂書帥師伐鄭

鄭復貳也

冬十有一月葬齊頃公○楚公子嬰齊帥師伐莒
庚申莒潰楚人入郢

書伐書潰書入志蠻夷橫肆而莫之禁無伯之
害也鄭故我邑並志之

秦人白狄伐晉○鄭人圍許○城中城

十年春衛侯之弟黑背帥師侵鄭○夏四月五卜

郊不從乃不郊

書五卜譏黷也夏四月不時也郊時極于三月
五月公會晉侯齊侯宋公衛侯曹伯伐鄭

歸鄭伯也不書歸何晉不務德而兵爭伐人之
國執人之君書同盟書執書伐而不書歸義有
專責矣

齊人來媵○丙午晉侯孺卒○秋七月公如晉○
冬十月

十有一年春王三月公至自晉
案傳晉景公卒公如晉晉人止公使送葬公請

受盟而後使歸書公如公至而不書葬雖葬而禮不在猶不葬爾

晉侯使郤讎來聘己丑及郤讎盟

要盟也譏晉之無禮于公也

夏季孫行父如晉○秋叔孫僑如如齊

修前好也

冬十月

十有二年春周公出奔晉

自周無出書出自其封邑出也公之自絕於周也

夏公會晉侯衛侯于瑣澤

謀貳也晉景之末三書同盟魯衛皆與而衛又有林父奔晉之嫌魯又有如晉見心之辱厲公欲合諸侯而疑於魯衛故為瑣澤之會

秋晉人敗狄于交剛

凡敗師必書志殘民也雖敗戎狄亦書羣狄既滅此乃其遺種

冬十月

十有三年春晉侯使郤鍇來乞師

晉厲求諸侯也

三月公如京師

公如京師朝王也朝王常禮不書自京師遂會諸侯伐秦則不可不書如京師也

夏五月公自京師遂會晉侯齊侯宋公衛侯鄭伯

曹伯邾人滕人伐秦

公會伯主伐秦道過周書曰自京師遂會諸侯伐秦壹若京師主為此會者春秋之義乃以存

周

曹伯廬卒于師○秋七月公至自伐秦

以伐秦告至也書曰公至自伐秦明不為朝王

而出此春秋正名責實之教

冬葬曹宣公

十有四年春王正月莒子朱卒

葬必舉謚而莒君無謚謚以公配而吳楚稱王
所以終春秋莒與吳楚俱不書葬

夏衛孫林父自晉歸于衛○秋叔孫僕如如齊逆女○鄭公子喜帥師伐許○九月僕如以夫人婦姜氏至自齊

夫人婦姜氏從君有母之稱也僕如不氏一役而再有事卒名也

冬十月庚寅衛侯滅卒○秦伯卒

自秦伯稻卒後卒葬再見春秋者四君皆不書名時秦晉交惡告赴不通于同盟故卒之如滕侯宿男之例

十有五年春王二月葬衛定公○三月乙巳仲嬰

齊卒

嬰齊歸父之弟公子遂之子魯人逐歸父立嬰齊為其父後稱仲嬰齊者以仲遂之字為氏也禮以王父字為氏嬰齊以子後父而氏仲春秋譏之○王克掞曰逐臣得罪以出而為之立後

所後者逐臣之祖所謂其宗猶存君不婦其宗廟是也豈後逐臣本身為罪人立廟乎滅武仲以防求為後於魯求守先祀不為本身嬰齊後歸父非情理所安公羊之說誤也

癸丑公會晉侯衛侯鄭伯曹伯宋世子成齊國佐邾人同盟于戚晉侯執曹伯歸于京師

特書執以執為義義莫大于方伯為天子執有罪苟執之而不應其法執者與有罪矣書執于前書歸于後比觀之其義自見

公至自會○夏六月宋公固卒○楚子伐鄭○秋

八月庚辰葬宋共公宋華元出奔晉宋華元自晉歸于宋宋殺其大夫山宋魚石出奔楚

經文連書五事俱繫之宋則非一時事史蓋與他事並叙孔子削去繁文特取宋事屬比之以明君死國亂臣下爭權借外援以除內患皆罪也

冬十有一月叔孫僑如會晉士燮齊高無咎宋華元衛孫林父鄭公子鮒邾人會吳于鍾離

始通吳也兩書會會而又會也外吳也晉士燮等書名自相為會也時大夫得為政

許遷于葉

鄭故也

十有六年春王正月雨木冰

記異也

夏四月辛未滕子卒○鄭公子喜帥師侵宋

鄭叛晉從楚故為楚侵宋

六月丙寅朔日有食之○晉侯使禦虧來乞師甲午晦晉侯及楚子鄭伯戰于鄢陵楚子鄭師敗績楚殺其大夫公子側

敗績書楚子君傷也君師並舉書其重者據傳

呂錡射楚子中目

秋公會晉侯齊侯衛侯宋華元邾人于沙隨不見公

戰勝而驕也鄭之會諸侯皆見而陳侯逃首凶之盟諸侯皆與而鄭伯逃罪逃者也會于沙隨不見公同盟于平丘公不與我往會盟而彼不使見不使與罪不使見不使與者也

公至自會

公羊子云公不見大夫孰何以致會不恥也謂義不足恥也以伯不見公為辱乎春秋未嘗榮

伯也以公必與盟為是乎春秋不非不盟也

公會尹子晉侯齊國佐邾人伐鄭

尹子王官也不稱王人非王國事也不言尹子會伐與單伯異者從伯主之文告○凡會伐稱王臣皆假天子之威以服人王非能出師也會盟稱王臣皆稱天子之命以齊言王非有要質也

曹伯歸自京師

京師歸之也負芻毅大子而自立天子方伯不誅之于及時許其立而列于會執之歸之奚義

乎曰執不宜執也曰歸不宜歸也春秋之法端本澄源書執書歸而不去其爵乃不治而治之義曹人曰若有罪則君列于會矣言有合于春秋○諸侯將見子臧于王而立之子臧逃曹伯歸乃歸子臧有讓爵之高其歸也春秋何以無書據蔡季書歸書孔子以全一身之節廢討賊之大義其節不足錄也沒其文正所以昭其義

九月晉人執季孫行父舍之于苦丘○冬十月乙亥叔孫僑如出奔齊

國出之也按傳出叔孫僑如而盟之

十有二月乙丑季孫行父及晉郤犨盟于扈
僑如奔齊釋行父而盟之于扈公至自會而刺
公子偃比事以觀而晉之聽謠以棄魯公之逞
忿以殺親義各見矣

公至自會

大夫執則致行父不致者公待行父偕歸舉公
為重

乙酉刺公子偃

偃僑如之黨也

十有七年春衛北宮括帥師侵鄭○夏公會尹子

單子晉侯齊侯宋公衛侯曹伯邾人伐鄭六月乙

酉同盟于柯陵

王臣同外侯盟也新城之同同大夫柯陵之同同王官皆禮之變○內臣啣命總羣侯職事有專無同倫並使之禮見于經如單伯周公于鄭于葵丘言會不言盟王人于洮于翟泉言盟不言同尹子單子皆王官並列于會不殊諸侯而同盟當由王政不綱世卿交通外藩各行其私春秋筆之為王室亂尹單立兩王張本

秋公至自會○齊高無咎出奔莒○九月辛丑用

郊

郊以祈穀必于夏之仲春周九月夏之七月也
九月用郊廟神饗祀甚矣特書用郊用者不宜
用也

晉侯使荀鑿來乞師○冬公會單子晉侯宋公衛
侯曹伯齊人邾人伐鄭○十有一月公至自伐鄭
○壬申公孫嬰齊卒于狸服

蘇轍曰嬰齊從于伐鄭還而道卒大夫卒不地
其地在外也○十有一月無壬申嬰齊之卒當
在十月至是始聞于朝故附于此月之後公羊

子所謂以君命卒大夫也

十有二月丁巳朔日有食之○邾子纁且卒○晉殺其大夫郤鑄郤犨郤至

晉厲即位以來迭乞諸侯之師屢挾王官之重伐秦敗楚執曹伯含行父三伐鄭兩行無禮于魯君茲又一朝殺三卿君驕臣寵而以無道行之適以殺其軀而已矣

楚人滅舒庸

十有八年春王正月晉殺其大夫胥童○庚申晉弑其君州蒲

胥童以君弑見殺經書殺不書及幽子父三人異者童道君為亂故不以死君之義予之

齊殺其大夫國佐

高國齊之守臣也无咎奔國佐殺崔慶所由亂齊

公如晉

朝嗣君也是謂晉悼公

夏楚子鄭伯伐宋宋魚石復入于彭城

書伐書入伐以入之也獎亂臣以抗不喪陵我諸夏禍變亟矣

公至自晉晉侯使士匱來聘○秋杞伯來朝八月
邾子來朝

晉悼初立修禮于諸侯公至自晉而杞邾相繼
來朝蓋欲附魯以從晉

築鹿囿○己丑公薨于路寢○冬楚人鄭人侵宋
○晉侯使士匱來乞師

春秋之法以重事書以始事書用師莫亟于悼
厲經於晉厲之乞師詳錄之凡以明重也於晉
悼之編僅一見自敝楚之謀興三分四軍迭用
諸侯之銳乞師之禮始不復見春秋特筆之

十有二月仲孫蔑會晉侯宋公衛侯邾子齊崔杼同盟于虛杼

謀救宋也宋人辭諸侯而請師以圍彭城時襄公初立仲孫蔑為政頻書盟虛杼圍彭城次鄆兩會戚皆大夫政逮大夫也崔杼同盟志其歸也

丁未葬我君成公

春秋取義測卷之九

膠州法坤本

襄公

元年春王正月公即位○仲孫蔑會晉樂黷宋華
元衛甯殖曹人莒人邾人滕人薛人圍宋彭城
楚已取彭城封魚石猶以彭城繫之宋者明為
宋討也書圍宋彭城與內討叛邑書圍同例滕
薛宋屬國從宋大夫圍彭城列邾人下

夏晉韓厥帥師伐鄭

晉悼復伯也勤宋伐鄭合諸侯以制楚春秋詳

書之

仲孫蔑會齊崔杼曹人邾人杞人次于鄫
次于鄫以待晉師不言帥師者大夫聽命于晉
秋楚公子壬夫帥師侵宋

侵宋以救鄭也書其侵不書其救筆削之義可
見

九月辛酉天王崩○邾子來朝○冬衛侯使公孫
剽來聘晉侯使荀罇來聘

頻書來聘此伯事所以克修

二年春王正月葬簡王

不書往葬之人

據文九年叔孫公童子侯不得臣葬襄王

不以親往為譏

鄭師伐宋○夏五月庚寅夫人姜氏薨○六月庚辰鄭伯踰卒○晉師宋師衛寧殖侵鄭○秋七月仲孫蔑會晉荀瑩宋華元衛孫林父曹人邾人于戚

請城虎牢以逼鄭吾大夫孟獻子之謀也

己丑葬我小君齊姜○叔孫豹如宋○冬仲孫蔑會晉荀瑩齊崔杼宋華元衛孫林父曹人邾人滕人薛人小邾人于戚遂城虎牢

從吾大夫獻子請也非為鄭城故不言鄭

楚殺其大夫公子申

三年春楚公子嬰齊帥師伐吳

吳通上國故其見伐志于春秋

公如晉○夏四月壬戌公及晉侯盟于長檮

盟書地志伯主之有禮于是孟獻子相

公至自晉○六月公會單子晉侯宋公衛侯鄭伯

莒子邾子齊世子光己未同盟于雞澤

晉悼復伯修王事請命于王為此會書同盟單
子預于盟也○春秋之初諸侯無敢盟王臣者

諸侯而盟王臣則王道之微也五伯之盛大夫無敢盟諸侯者大夫而盟諸侯則伯事之失也諸侯盟王臣始於齊桓之會洮然猶尊王命也柯陵而後王臣儕于列爵矣大夫盟諸侯始於士穀之會垂隴然猶奉伯令也新城以還大夫等子邦君矣備錄之

陳侯使袁僑如會戊寅叔孫豹及諸侯之大夫及陳袁僑盟

兩書及大夫預政始事也陳自辰陵即楚今慕義而來本非名會故言如諸侯既盟袁僑乃至

故使大夫與盟春秋特筆之

秋公至自會○冬晉荀鑿帥師伐許

四年春王三月己酉陳侯午卒○夏叔孫豹如晉

○秋七月戊子夫人姒氏薨

襄公之母也

葬陳成公○八月辛亥葬我小君定姒○冬公如

晉○陳人圍頓

五年春公至自晉○夏鄭伯使公子發來聘

鄭閭于兩大交聘曾不及魯晉悼之興與中諸
侯通謀敝楚聘使之來蓋因我以改事晉特筆

之為後髡頑如會起本

叔孫豹鄫世子巫如晉

巫與吾大夫俱也不言及同于內臣鄫魯屬國仲孫蔑衛孫林父會吳于善道

通吳以制楚修伯事也

秋大雩○楚殺其大夫公子壬夫

陳服晉故也

公會晉侯宋公陳侯衛侯鄭伯曹伯莒子邾子滕子薛伯齊世子光吳人鄫人于戚

列吳于會也鄫屬於魯故列吳人下

公至自會○文成陳

伯令也諸侯皆後離至不可得而序故獨言我
戍戌陳以防楚之爭戍鄭肅牢以脅鄭之叛古
之服人者未聞以兵守之也春秋特筆之見伯
功之不足尚

楚公子貞帥師伐陳公會晉侯宋公衛侯鄭伯曹
伯齊世子光救陳

戍陳救陳所以恤陳者末矣然春秋每書之示
勤恤諸侯之義

十有二月公至自救陳○辛未季孫行父卒

六年春王三月壬午杞伯姑容卒

杞微國史每略之蟲牢以還杞桓三與同盟嗣後卒葬乃見春秋傳曰始赴以名同盟故也

夏宋華弱來奔○秋葬杞桓公○滕子來朝○莒人滅鄫

莒女有為鄫夫人者取他姓之子為後將以奪嫡鄫魯屬故穆叔覲鄫太子巫于晉以定之厥後莒人卒立其出魯史書曰莒人滅鄫同於國亡君死曰滅之例孔子以異姓蒞祭祀得滅亡之道特取其義以立教公穀去聖未遠說非無

據今從之

冬叔孫豹如邾○季孫宿如晉○十有二月齊侯滅萊

滅國大惡以晉悼之伯齊敢為之于此見伯德之無以畏遠而強有力者惟其所行也

七年春邾子來朝○夏四月三卜郊不從乃免牲譏不時也孟獻子曰吾乃今而後知有卜筮夫郊祀后稷以祈農事也是故啓蟄而郊郊而後耕今既耕而卜郊宜其不從也魯郊禘賜自前王夫有所受之春秋因災變正典禮事異文殊

義各有取不徒譏郊禘也

小邾子來朝○城費

費季氏私邑書於冊者役公徒以城之也書城
費圍費墮費書城成郭公圍成比事以觀知大
夫之強由人君不謹於禮所致

秋季孫宿如衛○八月螽○冬十月衛侯使孫林
父來聘壬戌及孫林父盟

比書鄭來聘衛來聘盟內臣如宋如邾如衛隣
睦交通皆所以修伯事伯事修王事頓矣

楚公子貞師師圍陳○十有二月公會晉侯宋公

陳侯衛侯曹伯莒子邾子于鄆○鄭伯髡頑如會
未見諸侯丙戌卒于鄆

取髡頑之名加乎如會之上明以如會卒也卒
之變據傳子駒使職試公以禮則諸侯未見諸侯而曰如會
志在如會也春秋筆之致其志也

陳侯逃歸

鄭伯未見諸侯而書如會陳侯不與會而書逃
予是會也然則春秋實予伯乎曰伯者以力服
人而義不足以相勝鄒之會鄭伯或云陳侯逃
卒之弑不能問逃不能復其有以異於吳楚之

爭諸侯者幾何春秋予五伯之功未嘗不誅其罪微文大義正當於此審取

八年春王正月公如晉○夏葬鄭僖公○鄭人侵蔡獲蔡公子燮○季孫宿會晉侯鄭伯齊人宋人衛人邾人于邢丘

案傳會于邢丘以命朝聘之數使諸侯之大夫聽命鄭伯獻捷于會故親聽命於是公在晉而宿與會特筆之見季孫之專

公至自晉○莒人伐我東鄙○秋九月大雩○冬楚公子貞帥師伐鄭○晉侯使士匄來聘

告將用師于鄭此三分四軍敝楚始事

九年春宋災

春秋於內災異必書所以敬天戒重民命也外
災則成周宣榭火書尊王國也毫社災書齊殷
鑒也宋陳災書錄帝王之後也宋衛陳鄭四國
同日災書為天下記異也

夏季孫宿如晉○五月辛酉夫人姜氏薨○秋八
月癸未葬我小君穆姜○冬公會晉侯宋公衛侯
曹伯莒子邾子滕子薛伯杞伯小邾子齊世子光
伐鄭十有二月己亥同盟于戲

晉三分四軍迭用諸侯之銳故滕薛皆與同盟

楚子伐鄭

按傳鄭及楚平經不書鄭介居二大之間大國不加德音而亂以要之鄭有辭矣中分之後鄭再叛晉而再即楚春秋但書三伐鄭而已

十年春公會晉侯宋公衛侯曹伯莒子邾子滕子薛伯杞伯小邾子齊世子光會吳子祖○夏五月甲午遂滅逼陽

逼陽楚屬也不言孰滅之蒙上會事按傳書曰遂滅逼陽言自會也自會我在會也春秋主我

此與滅項書法略同淮之會僖公佐伯主東略而滅項正東略中所有事其書曰滅項亦言自會也

公至自會○楚公子貞鄭公孫輒帥師伐宋○晉師伐秦

秦附楚故也晉通吳以制楚楚援秦以敵晉春秋於敝楚之後並錄會吳伐秦始末所以著伯事之任力與王者修德服遠之風邈殊

秋莒人伐我東鄙○公會晉侯宋公曹伯莒子邾子齊世子光滕子薛伯杞伯小邾子伐鄭○冬盜

殺鄭公子驥公子發公孫輒

杜預曰非國討當而稱名氏殺者非卿故稱盜以盜為文故不得言其大夫

戊鄭虎牢楚公子貞帥師救鄭

書楚救鄭於戊鄭之下以著敝楚本謀非善楚能救也書法與楚人救衛同○前書城虜牢諸侯為晉城非為鄭城也此書戊鄭虎牢諸侯為鄭戍非為虜牢戍也皆從伯主文告

公至自伐鄭

十有一年春王正月作三軍

三家始分魯也○先是邢丘之會晉命諸侯大夫聽朝聘之數均其賦役晉三分四軍故魯亦緣此作三軍

夏四月四卜郊不從乃不郊○鄭公孫舍之帥師侵宋○公會晉侯宋公衛侯曹伯齊世子光莒子邾子滕子薛伯杞伯小邾子伐鄭

頻書伐鄭書同盟皆以著殺楚本謀故傳曰三駕而楚不能與爭

秋七月己未同盟于亳城北公至自伐鄭○楚子鄭伯伐宋公會晉侯宋公衛侯曹伯齊世子光莒

子邾子滕子薛伯杞伯小邾子伐鄭會于蕭魚
會于蕭魚鄭服也再書會鄭伯與于會也不書
盟義不繫乎盟也諸侯同盟本以敝楚楚敝而
鄭服乃有是會美是會也比觀晉悼之編自始
伯迄於是年勤宋鄭陳挫秦通吳服鄭而敝楚
十六年中凡合諸侯者十一合大夫者八偏師
獨出及與國受命侵伐者不與焉殫天下財賦
僅能小定究之鄭服楚敝諸侯疲於奔命晉亦
厭兵政遠于大夫從分南北而吳越進矣美之
實以惡之所謂美惡不嫌同詞也

公至自會

至自會蕭魚之會也諸侯本謀主於不戰敝楚服鄭功成蕭魚故以會致

楚人執鄭行人良霄

鄭人告絕於楚書執鄭行人良霄鄭服于晉也
冬秦人伐晉

十有二年春王三月莒人伐我東鄙圍台

范甯曰伐國重圍邑輕舉重可以包輕書圍台
蓋為下事起

季孫宿帥師救台遂入鄭

穀梁遂繼事也受命而救台不受命而入鄭惡季孫宿也大夫專也

夏晉侯使士鯈來聘○秋九月吳子乘卒

吳通上國故其卒志於春秋

冬楚公子貞帥師侵宋○公如晉

十有三年春公至自晉○夏取邾○秋九月庚辰

楚子審卒○冬城防

十有四年春王正月季孫宿叔老會晉士匄齊人宋人衛人鄭公孫蔓曹人莒人邾人滕人薛人杞人小邾人會吳于向

為吳謀楚也疲中國以事蠻夷書之著通吳之
害

二月乙未朔日有食之○夏四月叔孫豹會晉荀
偃齊人宋人衛北宮括鄭公孫蔓曹人莒人邾人
滕人薛人杞人小邾人伐秦

始也晉借秦以却楚終也秦助楚以害晉兩國
之禍厲階于勝楚釁北于圍鄭怨結于敗殼禍
稔于三戰大舉于九國之伐而终于此役中間
七十餘年兵連毗結春秋詳錄之

己未衛侯出奔齊○莒人侵我東鄙○秋楚公子

貞師師伐吳○冬季孫宿會晉士匱宋華閱衛孫林父鄭公孫蔓莒人邾人于戚

謀定衛也衛侯出奔而林父會于戚昭公在乾侯而季孫會適歷比觀之其義自見○蕭魚而後于向伐秦于戚三會皆大夫大夫聽命也

十有五年春宋公使向戌來聘二月己亥及向戌

盟于劉

盟于劉書法同長檮時大夫交政向戌宋之良也與吾大夫孟獻子善故相見有加禮

劉夏逆王后于齊

我主之也王后王姬或書逆不書歸此年或書歸
不書逆莊十一年或逆歸卒並書莊元年各因事變
而書有詳略劉夏書名非卿也按傳逆王后于
齊卿不行非禮也此特以譏非禮書爾

夏齊侯伐我北鄙圍成○公救成至遇季孫宿叔
孫豹帥師城成郢

至遇而圍已解不成救也何以書為城成郢書
也成孟氏之邑公救之季孫豹帥師城之此政在
三家之驗

秋八月丁巳日有食之○邾人伐我南鄙

莒人侵我東鄙楚侵宋伐吳衛出君齊伐我北
鄙邾伐我南鄙同盟之亂亡如是譏伯德之不
能及遠

冬十有一月癸亥晉侯周卒

十有六年春王正月葬晉悼公○三月公會晉侯
宋公衛侯鄭伯曹伯莒子邾子薛伯杞伯小邾子
于湧梁戊寅大夫盟

君在而大夫盟無君也大夫即在會諸侯之大
夫不繫諸侯者據三年難澤言諸侯之大夫閒無異事史氏
省文也因史文而錄之以譏大夫之無君修春秋

秋之文也

晉人執晉子邾子以歸
特書以歸罪專執也

齊侯伐我北鄙○夏公至自會○五月甲子地震
○叔老會鄭伯晉荀偃衛寧殖宋人伐許

譏大夫會伐也先書鄭伯臣不可過君也宋稱
人序衛寧殖下非命卿

秋齊侯伐我北鄙圍成○大雩○冬叔孫豹如晉
按傳穆叔如晉聘且言齊故齊故國事也經不
書舉聘事為重

十有七年春王二月庚午邾子姬卒

不言邾子歸以執見義

宋人伐陳○夏衛石買帥師伐曹○秋齊侯伐我北鄙圍桃齊高厚帥師伐我北鄙圍防

兩書伐圍著齊君臣同惡

九月大雩○宋華臣出奔陳○冬邾人伐我南鄙
十有八年春白狄來

家鉉翁曰春秋之義會戎盟戎則有譏介葛盧
來白狄來之類則無絕也

夏晉人執衛行人石買

曹故也書行人乃因其使而執之

秋齊師伐我北鄙○冬十月公會晉侯宋公衛侯鄭伯曹伯莒子邾子滕子薛伯杞伯小邾子同圍齊

書同圍同我圍之也是役乃魯請之他會皆我同人而此則人同我故史特異其文

曹伯負芻卒于師○楚公子午帥師伐鄭

十有九年春王正月諸侯盟于祝柯○晉人執邾

子

左傳盟于曾揚曰大毋侵小執邾悼公

公至自伐齊○取邾田自漷水

以漷水為竟取濟西田不言自濟西吾故田也
此言取邾田自漷水明自漷水皆取邾田也
季孫宿如晉○葬會成公○夏衛孫林父帥師伐

齊

齊未服也自會邢丘後內外大夫有事無不稱
帥師者大夫為政也

秋七月辛卯齊侯環卒魯士匄帥師侵齊至穀聞

齊侯卒乃還

左傳聞喪而還禮也臣尸君善大夫專也

八月丙辰仲孫蔑卒○齊殺其大夫高厚
崔杼殺之也春秋頻書齊殺高厚鄭殺公子嘉
樂盈奔楚臧紇奔邾皆大夫之亂也

鄭殺其大夫公子嘉○冬葬齊靈公○城西郭○
叔孫豹會晉士匱于柯○城武城

左傳齊及晉平故穆叔會范宣子于柯穆叔歸
曰齊猶未也不可以不懼乃城武城

二十年春王正月辛亥仲孫速會莒人盟于向○
夏六月庚申公會晉侯齊侯宋公衛侯鄭伯曹伯
莒子邾子滕子薛伯杞伯小邾子盟于澶淵

齊成故也執邾子取漷田紂之以勢也閼襄還盟澶淵紂之以義也皆伯者以力假仁之效秋公至自會○仲孫速帥師伐邾○蔡殺其大夫公子寔蔡公子履出奔楚○陳侯之弟黃出奔楚蔡履以避禍出陳黃以無罪出春秋之書不為異詞者國君之親無去國之義故懼禍及而去與非其罪而去例以奔書

叔老如齊○冬十月丙辰朔日有食之○季孫宿如宋

二十有一年春王正月公如晉○邾庶其以漆閭

丘来奔

襄公在晋而庶其以漆閭丘来昭公在晋而牟夷以牟婁防茲来公在乾侯而黑肱以濫来鲁之受之皆非君命春秋著之見政在大夫之效夏公至自晋○秋晋禦盈出奔楚

禦盈之逐咎由范宣而春秋書奔者非以道去國也

九月庚戌朔日有食之○冬十月庚辰朔日有食之○曹伯来朝○公會晉侯齊侯宋公衛侯鄭伯

伯莒子邾子于商任

不書事非事也錮樂盈也

三十有二年春王正月公至自會○夏四月○秋

七月辛酉叔老卒○冬公會晉侯齊侯宋公衛侯
鄭伯曹伯莒子邾子薛伯杞伯小邾子于沙隨

復錮樂盈也時大夫為政以權相傾而君弗禁
故往往亂作君臣之義人之大倫大夫奔而必
極之于其所往春秋以此為倫常之變特著之
公至自會○楚殺其大夫公子追舒

二十有三年春王二月癸酉朔日有食之○三月
己巳杞伯匄卒○夏邾畀我來奔○葬杞孝公○

陳殺其大夫慶虎及慶寅陳侯之弟黃自楚歸于
陳○晉樂盈復入于晉入于曲沃

國命下移內患外侮益作晉伯所以不復振

秋齊侯伐衛遂伐晉

書遂伐晉志晉失伯也

八月叔孫豹帥師救晉次于雍榆

次于雍榆不及事也不及事而猶書重救晉也
書救晉天下益多故矣

己卯仲孫速卒○冬十月乙亥滅孫紇出奔邾
季孫逐之也将盟臧氏名外史掌惡臣而問盟

首焉對曰盟東門氏也曰毋或如東門遂不聽
公命殺適立庶盟叔孫氏也曰毋或如叔孫僑
如欲廢國常蕩覆公室乃盟臧氏曰毋或如臧
孫紇干國之紀犯門斬關據此凡出奔之人國
必有書鄰必有告所以見志于春秋

晉人殺驪盈

書晉人殺驪盈如衛人殺州吁之例不書于曲
沃者蒙上文不言其大夫者位已絕也

齊侯襲莒

二十有四年春叔孫豹如晉○仲孫羯帥師侵齊

○夏楚子伐吳○秋七月甲子朔日有食之既
五年之間日食六次又加既焉春秋書天變未
有如此之甚者也不三十年而王室大亂繼以
勾吳爭盟田常篡齊六卿分晉西狩獲麟而春
秋終矣

齊崔杼帥師伐莒

書齊崔杼帥伐專國也

大水○八月癸巳朔日有食之

歷術無連月日食之法春秋有連月日食之文

二十一年九月十
月此年七月八月非常之變人為弗及防也世

之玩天戒而以為不足畏者宜知所省

公會晉侯宋公衛侯鄭伯曹伯莒子邾子滕子薛
伯杞伯小邾子于夷儀

書會不書事無事也欲伐齊而不能也

冬楚子蔡侯陳侯許男伐鄭○公至自會○陳鍼

宜咎出奔楚

宜咎事不見于傳前書陳殺其大夫慶席慶寔
則宜咎之奔亦以亂故

叔孫豹如京師

歸時事也內君臣如京師非有事義不書

詳宣九年

仲孫彊歸時事常禮爾何以書讖魯君臣之不復如京師也是故書公子遂如京師以志魯君臣失禮之始書叔孫豹如京師以志魯君臣失禮之終迨至叔軒如京師葬景王王室亂而如京師之文不見於經

大饑

汪克寬曰春秋書大有年大饑各一大有年者異天道之反常大饑者著人事之不能處變也書大旱者二大水者八水旱非大不書

二十有五年春齊崔杼帥師伐我北鄙○夏五月

乙亥齊崔杼弑其君光

莊公之弑賈舉以下死者凡數人而春秋不書傳于晏嬰之論著明之崔杼弑君專國春秋得書其罪觀太史南史氏事可徵其義

公會晉侯宋公衛侯鄭伯曹伯莒子邾子滕子薛伯杞伯小邾子于夷儀

夷儀兩會皆將以伐齊也不書伐無伐事也自後晉政多門君不復有諸侯之事春秋之義亦不以伯事責之

六月壬子鄭公豫舍之帥師入陳

秋八月己巳諸侯同盟于重丘

同有同也盟詞所載有同要約之事焉

如尊周外楚討

罪睦鄰之類今比其事觀之齊弑君而不能討鄭入

陳而不能問諸侯同役而不同心然則所同者

何事乎稱諸侯同盟黜晉伯之義也

公至自會○衛侯入于夷儀

衛侯衎出奔齊入于夷儀中間衛侯會盟不絕書剽旣衎若無分別者及衛弑君剽衛侯衎復歸于衛比事以觀乃知出奔入夷儀之衛侯則衎也出奔以後入夷儀以前中間頻書之衛侯

則剽也書名之義在於別二君今內外非褒貶之所存

楚屈建帥師滅舒鳩

舒蓼舒庸舒鳩所謂羣舒也猶白狄赤狄之類國雖小而必紀其亡存先王封建之迹著楚人滅國之罪

冬鄭公孫夏帥師伐陳

鄭假王命以致辟晉不能詰於此見伯事之失而強於令政者之足以有為大書鄭公孫舍之帥師入陳公孫夏帥師伐陳無伯之詞也

十有二月吳子遏伐楚門于巢卒

名吳子遏於伐楚門巣之上見以門巣卒也書法與鄭伯髡頑如會同例

二十有六年春王二月辛卯衛寧喜弑其君剽
剽非君也殖立之喜君之則君矣君而弑之罪
也君臣之分一毫而不可復易聖人所以正天
下之經

衛孫林父入于戚以叛

自國入其私邑大夫強也據土背君曰叛

甲午衛侯衎復歸于衛

鄭突衛衎皆奔君也突書入櫟不書復歸鄭不
與其歸也國非所固有也衎書入夷儀書復歸
衛與其歸也國其所固有也與其歸亦書入何
國有君矣入于夷儀以求復弑剽而奪之國是
爭也爭者義之所不得春秋之法不以亂易亂
故書入之文與鄭突一施之

夏晉侯使荀吳來聘

左傳為孫氏故名諸侯以討衛

公會晉人鄭良霄宋人曹人于澶淵

會于澶淵伐衛也不書伐不子其伐也傳云疆

戚由取懿氏六十以與孫氏

秋宋公殺其世子痤○晉人執衛甯喜
特書執執不以其罪也為孫氏執也

八月壬午許男甯卒于楚

朝于楚而卒也楚志爾何以書比觀楚伐鄭會
宋盟宋公如楚罷未聘朝聘會盟訖伐之事盡
在楚矣楚之伯晉之失伯也春秋所以書也

冬楚子蔡侯陳侯伐鄭○葬許靈公

二十有七年春齊侯使慶封來聘

齊魯構兵久矣齊景即位修好于鄰封故慶封

來聘時崔慶得政當國

夏叔孫豹會晉趙武楚屈建蔡公孫歸生衛石惡
陳孔無鄭良霄許人曹人于宋

合晉楚之成也時列國政在大夫厭于為役宋
向戌善於趙武屈建首倡此會自是以後南北
之從交相見伯權分天下之大變也宋大夫不
名為會主故

衛殺其大夫寧喜衛侯之弟鯈出奔晉

殺稱大夫殺不以其罪也鯈病失言棄兄而逃
春秋黜小信申大義故書奔以罪之

秋七月辛巳豹及諸侯之大夫盟于宋

鴈書于宋地于宋也書諸侯之大夫大夫為政
也是會也宋向戌成之

冬十有二月乙亥朔日有食之

二十有八年春無冰

方苞春秋直解云桓十四年正月無冰寒遲也
丑月尚有冰也成元年二月無冰燠早也子月
已有冰也此年春無冰通一時而常燠尤為異

之大

夏衛石惡出奔晉○邾子來朝○秋八月大雩○

仲孫羯如晉○冬齊慶封來奔

前書慶封來聘此書慶封來奔修好而受其國
賊義之所不得

十有一月公如楚

為宋之盟故公及宋公陳侯鄭伯許男如楚經
不書他國者據魯史以立文

十有二月甲寅天王崩○乙未楚子昭卒

此閏月之乙未不書閏者義無所繫也文六年
書閏月以不告月哀五年書閏月以葬齊景公
皆非於閏有譏

二十有九年春王正月公在楚

公在外也成十年秋七月如晉十一年春王三
月至自晉不書春王正月公在晉者內晉也襄
二十八年冬十一月如楚二十九年夏五月至
自楚特書春王正月公在楚者外楚也書法如
公在乾伊之例同于失國

夏五月公至自楚○庚午衛侯衎卒○閼弑吳子
餘祭

閼門者寺人之號不稱名姓閼不得齊于人不
稱其君閼不得君其君也春秋書之見禍生于

所忽

仲孫羯會晉荀盈齊高止宋華定衛世叔儀鄭公
孫段曹人莒人滕人薛人小邾人城杞

非諸侯之事晉平公杞出也故為城杞此年之
會以城杞三十年澶淵之會以宋災故自是晉
遂失伯平丘而後不復能會諸侯

晉侯使士鞅來聘

拜城杞也

杞子來盟

按傳書曰子賤之杞三稱子卒來盟朝皆從史文

卒來盟

吳子使札來聘

吳通上國楚分伯權交邦之使無分內外矣故
札之聘志於春秋

秋七月葬衛獻公○齊高止出奔北燕

春秋有二燕桓十二年公會燕人盟于穀丘是
南燕故此稱北燕以別之穀梁其曰北燕從史
文也

冬仲孫羯如晉

三十年春王正月楚子使薳罷來聘

自盟宋而後楚事之見於春秋者一切皆同中

國備書之

夏四月蔡世子般弑其君固○五月甲午宋災宋
伯姬卒

取卒之日加之炎上見以災卒也

天王殺其弟佞夫王子瑕奔晉

春秋無天王殺大夫之文而特書殺其弟佞夫
君無忍親之義也子瑕佞夫之黨書奔誅黨亂
也然則佞夫以作亂誅耳斥言殺其弟譏殺弟
也

秋七月叔弓如宋葬宋共姬

紀叔姬以亡國守貞宋共姬以火災著節春秋
特錄之以示教義

鄭良霄出奔許自許入于鄭鄭人殺良霄

書法同樂盈

冬十月葬蔡景公

春秋之法君弑賊不討不書葬所以責臣子蔡
景之葬何以書窮於責也繼之者其子奉之者
其臣鄰國又不以為賊而會其葬史氏據告而
書春秋因而筆之則取義別有在矣蓋君卒書
葬而弑君不書葬義在責一國之臣子弑君不

書葬而蔡景特書葬義在責天下之臣子也曰
春秋君弑賊不討而書葬者蔡景許悼二君皆
世子之獄也許止蔡般弑同而先儒於止有聽
之赦之之說何居曰止過也般故也過容可矜
或湏聽故在不疑無可赦止弑而服罪自責正
其名曰弑即同已討故許悼之書葬君子之赦
止也般弑而立其位列於會盟是賊未討則蔡
景之書葬乃君子之聽般也

晉人齊人宋人衛人鄭人曹人莒人邾人滕人薛
人杞人小邾人會于澶淵宋災故

魯大夫不書吾為會主也同會于宋不書宋大夫之例宋災吾伯姬卒焉請於諸侯而為是會其故所以得書于魯史然則會于澶淵宋災故史文也因史文特筆之以明伯事之失孔子修春秋之文也

三十有一年春王正月○夏六月辛巳公薨于楚宮○秋九月癸巳子野卒

書法同子般

己亥仲孫翶卒○冬十月滕子來會葬

非禮也葬者臣子之事考於經雖伯主未有君

會葬者於是書滕子來會葬是春秋之季也會
葬猶可奔喪甚矣

癸酉葬我君襄公○十有一月莒人弑其君密州